



**Broj predmeta:** 13-003213/22  
**Broj akta:** 01.1-1413EK-0028/23  
**Datum,** 3. 3. 2023.. godine  
**Mjesto,** Brčko

Na osnovu člana 17. stav (2) Zakona o Vladi Brčko distrikta BiH («Službeni glasnik Brčko distrikta BiH»), broj: 22/18 -- prečišćen tekst, 49/18, 08/19, 10/19 i 32/19 ) i čl. 70 stav (4) Zakona o javnim nabavkama („Službeni glasnik BiH broj: 39/14), a u skladu s članom 69. stav (2) tačka e) Zakona o javnim nabavkama («Službeni glasnik BiH», broj: 39/14) Zapisnika o pregledu i ocjeni ponuda broj: 13-003213/22 od 8.2.2023. godine, gradonačelnik Brčko distrikta BiH d o n o s i

### **ODLUKU O PONIŠTENJU POSTUPKA JAVNE NABAVKE**

#### **Član 1.**

Poništava se otvoreni postupak s međunarodnom objavom za nabavku radova **Lot 25 - Rekonstrukcija puta na k.č. 73 Panića sokak u MZ Sandići** iz provedenog postupka za nabavku radova izgradnje i rekonstrukcije puteva, ulica i trotoara na području Brčko distrikta BiH -4/2022 – lotovi 1-38 koji je pokrenut na osnovu Odluke o pokretanju postupka javne nabavke broj: 13-003213/22, broj akta:03-1416RS-003/22 od 6.12.2022. godine, Obavještenja o nabavci na portalu javnih nabavki broj: 1157-1-3-657-3-765/22 od 8.12.2022. godine, predmjera radova u vezi sa Tenderskom dokumentacijom broj:13-003213/22, iz razloga što su cijene svih prihvatljivih ponuda znatno veće od osiguranih sredstava za predmetnu nabavku, što prema čl. 69. stav (2) tačka e) Zakona o javnim nabavkama predstavlja osnov za poništenje postupka javne nabavke.

#### **Obrazloženje**

Komisija za nabavke je nakon izvršenog otvaranja ponuda konstatovala da je dostavljeno deset ponuda, sljedećih ponuđača: „Santovac” doo, Brčko, „Gradnja-cop” doo, Brčko, „Bijeljina put” doo, Bijeljina, „Roading” doo, Gračanica, „Galax niskogradnja” dd, Brčko, „Balegem” doo, Gradačac, „Papilon” doo, Čelić, „Izgradnja” doo, Teočak, „Eko prom” doo, Brčko i „Arapovac putevi” doo, Čelić. Sastavni dio odluke čini zapisnik sa otvaranja ponuda, zapisnik o pregledu i ocjeni ponuda i izvještaj o toku i završetku e-aukcije.

Zahtijevano je dostavljanje garancije za ozbiljnost ponude za lotove 19, 20, 21, 24, 28 i 34, te su svi ponuđači koji su nudili ove lotove garancije i dostavili.

Ponuđač „Balegem“ doo Gradačac je dostavio garancije za ozbiljnost ponude za sve lotove za koje je traženo. Garancija za ozbiljnost ponude za lot 28 nije u skladu sa zahtjevima iz tenderske dokumentacije. Naime, iznos koji je zahtijevan za navedeni lot iznosio je 2.800,00 KM.

U garanciji je navedeno da se banka obavezuje neopozivo i bezuslovno platiti iznos od 1.700,00 KM. S obzirom na navedeno, ponuda ponuđača „Balegem“ d.o.o. Gradačac je neprihvatljiva za Lot 28. Nakon detaljne analize ponuda, komisija je ustanovila da su sve ponude prihvatljive prema obliku, sadržaju, potpunosti i načinu pripreme i dostave ponude.

U vezi sa ocjenom kvalifikovanosti ponuđača utvrđeno je da ponuđač „Gradnja - Cop“ d.o.o. Brčko nije dostavio dokumentaciju u skladu sa zahtjevima iz tenderske dokumentacije.

Tačkom 3.4.1 tenderske dokumentacije je navedeno da ponuđači trebaju ispuniti sljedeće uslove:

Uspješno iskustvo u realizaciji najmanje 3 (tri) ugovora čija su karakter i kompleksnost slični onima koji se odnose na predloženi ugovor, u prethodnih 5 (pet) godina ili od datuma registracije, odnosno početka poslovanja, ako je ponuđač registriran, odnosno počeo sa radom prije manje od pet godina. Pod istim ili sličnim radovima podrazumjevaju se:- radovi na izgradnji ili rekonstrukciji makadamskih puteva za lot 10, - radovi na izgradnji pješačkih staza ili trotoara za lotove 8, 24 i 37, - radovi na izgradnji ili rekonstrukciji ulica i puteva za sve ostale lotove.

Stručna komisija imenovana iz Odjeljenja za javne poslove je ocijenila da ponuđač nije dostavio po 3 potvrde za lotove za koje je zahtijevano iskustvo na izgradnji ili rekonstrukciji ulica i puteva, kao ni za lotove za koje se zahtijevalo iskustvo na izgradnji pješačkih staza ili trotoara. Ponuđač je dostavio potvrde koje se odnose na radove na uređenju makadamskih puteva, nasipanje puteva, održavanje puteva, a što nije u skladu sa zahtjevima iz tenderske dokumentacije za lotove za koje je ponuđač dostavio ponudu. Nakon detaljne analize dostavljenih ponuda, komisija je ustanovila da ponuđač „Gradnja - Cop“ d.o.o. Brčko nije kvalifikovan.

Ponuđači su dostavili ponude u skladu sa zahtjevima iz tenderske dokumentacije. Nakon otvaranja ponuda, članovi komisije imenovani ispred Odjeljenja za javne poslove su preuzeli po jednu kopiju od svih ponuda kako bi izvršili računsku kontrolu ponuda. Nakon izvršene računске kontrole ponuda, uočeno je da u ponudama ponuđača Pabilon, Balegem i Galax –niskogradnja, postoje računске greške koje su navedeni članovi komisije ispravili. Od navedenih ponuđača je zatražena saglasnost za ispravku ponuda te su svi potvrdili navedene ispravke ponuda.

Uočeno je da je u Zapisniku sa otvaranja ponuda kod ponuđača „Galax-niskogradnja“- Brčko na lotu 35 pogrešno upisana cijena u zapisnik. U zapisniku je upisana cijena od 119.806,00 KM, a ponuda ponuđača za lot 35 iznosi 19.806,00 KM i računski je ispravna.

Na lotu 10 je utvrđeno da se radi o neprirodno niskoj cijeni ponuda prije zakazane e- aukcije.

Od ponuđača „Balegem“ doo Gradačac je traženo je pojašnjenje niske cijene za navedeni lot. Ponuđač je dao odgovor na traženo pojašnjenje, te ga je komisija prihvatila.

Nakon što je komisija utvrdila kvalifikovanost ponuđača, sa ponudama koje su prihvatljive, potpune i računski ispravne, u skladu sa odredbama tačke 4.16. tenderske dokumentacije, zakazana je e-aukcija u trajanju od po 20 minuta.

E-aukcije su zakazana za sve lotove, osim za lot 35 na kojem je bila jedna prihvatljiva ponuda.

Na pojedinim lotovima je došlo do smanjenja cijena u odnosu na cijene sa otvaranja ponuda.

Komisija je ustanovila da je iznos najpovoljnije ponude na lotovima 25, 35 i 38 veći od procijenjene vrijednosti nabavke, te se od Odjeljenja za javne poslove tražio podatak o ispravnosti procijenjene vrijednosti nabavke i raspoloživosti sredstava za finansiranje.

Od strane Odjeljenja za javne poslove dostavljen je odgovor u kome se navodi da za lotove lot 35 i lot 38, postoje obezbijedena sredstva u iznosu najpovoljnijih ponuda, te da za iste treba nastaviti postupak dodjele ugovora, dok za lot 25 nema obezbijedenih sredstava u iznosu najpovoljnije ponude, te da za ovaj lot treba obustaviti postupak dodjele ugovora. Komisija je dostavila preporuku o poništenju postupka nabavke za Lot 25.

#### **POUKA O PRAVNOM LIJEKU:**

Protiv ove odluke zainteresovane strane imaju pravo podnijeti pismenu žalbu ugovornom organu dostavljanjem žalbe u najmanje tri primjerka u Odjeljenje za stručne i administrativne poslove Pododjeljenje za javne nabavke Vlade Brčko distrikta BiH, u roku od 10 dana od dana prijema odluke.

#### **DOSTAVLJENO:**

1. Pododjeljenju za javne nabavke,
2. Odjeljenju za javne poslove,
3. Ponuđačima,
4. Gradonačelniku,
5. Arhivi.

